

懷寧縣志卷之十一

知懷寧縣事 齊東王毓芳纂輯
署上海趙梅

祠祭 寺觀

鬼神之故難言矣聖王之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之此千古不易者也至于風雲雷雨之司山川邱陵之主則有定祀無定神譬之軍州郡縣守土者隨時變置不常厥居焉夫人與人相積亦神與神相代朱虛著靈於東漢憤王馮武于六朝今天后之功用豈但 冥而壯繆之尊崇幾等闕里顯與

懷寧縣志

卷之十一

祠祭

一

亦似有運數焉雖鬼神無能自主矣若夫紺宇琳宮旃檀供養雖見非於守道或攝念於愚夫揆諸神道設教之意亦足輔王靈所不及也故以載在秩祀與民所常祀者各以類次而二氏寺觀附焉志祠祭

社稷壇在府西郭中為壇四方為門春秋繼上丁出主於壇祀之舊六鄉里社各一今所在為社無專壇先農壇雍正四年 詔設立先農壇用仲春亥日祀神行耕籍禮各省皆立焉壇在城東五里許高四丈九尺濶三丈四尺五寸

田祖無廟無壇春祈秋報郡守於迎江寺旁大士閣前

祭之

八蜡廟在迎江寺東帥字墩其神爲劉猛將軍雍正八年奉勅建廟祭用羊一豕一乾隆五十二年布政司陳步瀛重修有記

劉猛將軍之祀徧天下相傳以爲驅蝗之神不其所自始也近閱怡庵雜錄載有景定四年揚威侯勅始知爲宋故江淮淝西制置使武穆劉公史稱公慷慨沈毅有儒將風紹興以來屢膺闔寄順昌之役以偏師當勁敵舉數十萬之重鎧鐵騎無不摧枯拉朽所向披靡至令對陣者驚其旗幟聞風者怖其姓名威聲之赫濯固已驅雷電叱風雲區區殄滅蝗蝻特

懷寧縣志

卷之十一

祠祭

二

其餘威之所震耳又烏足爲公異耶夫詩詠螟螣賊而秉畀炎火則歸於田祖之神而禮亦以禦大災捍大患者皆得列於祀典惟公生則以力戰守殘疆沒則以神威保田穉蓋義勇之氣有不可磨滅於天壤間者故能消除殃沴捍衛生靈歷數百年如一日而江淮諸路又公所提戈躍馬追奔逐北之區則其英靈之昭鑠不有倍著於他方者歟皖舊有廟在東門外藩司實主其祀歲久不葺上雨旁風日益頽落余捐貲命懷寧令劉璫撤而新之成工之日中丞書公親率僚佐拜禱廟中是歲舒城桐城蝻孽蠢動旋以積雨埽除宿州靈壁間有萌生一不爲禾稼災信

乎公之功德及人者深而守土者不可不謹其祀也
遂書其顛末以告來者并錄宋揚威侯勅於右使有
所徵信焉

道光四年六月宿州懷遠靈壁等處蝗巡撫陶澍禱於

神宿州旋報有青蛙無數食蝗靡遺懷遠亦報有鳥數

萬啄蝗悉盡其靈壁蝗在馬山湖縣令黃

光裕

覓鴨四

千隻啖食盡焉中丞奏上之御書神參秉畀扁額俾

懸於廟以答神貺大司農當塗黃鉞爲作樂府紀其事

陶澍增修其廟又自爲之記云

陶澍重修劉猛將軍廟碑記 古者八蜡有猫虎與

昆蟲所謂昆蟲卽食螟蠹之物猶猫虎之食犬豕

懷寧縣志

卷之十一

祠祭

三

稽之載記如開元中貝州白鳥食蝗平州羣鵲食

妨蟲乾祐中開封鸚鵡食蝗見於西陽雜俎漢實錄

諸書又金史載阿撒在定武山堂肆考載蕭修在秦

州元成宗在揚州皆有羣鳥食蝗之異而蛙能食蝗

故禁捕載於 欽定淵鑿類函說者謂江淮間俗祀

青蛙卽祭昆蟲之謂矣雖然昆蟲固能食螟蠹而所

以能食者則非昆蟲之爲而神之有以使之也如猫

如虎類非人力所能驅遣矧無知如蛙鳥者哉道光

四年夏鳳郡蝗廬鳳道戴君聰鳳陽府程君懷璟督

州縣捕之甫淨已而復起閏七月十一二日余偕藩

臬諸公虔禱於省城劉猛將軍廟其時宿州之灰古

堆蝗最甚知州蘇元璐集民夫往捕但見青蛙無數
食蝗且盡又有烏雀數萬名曰練朋鷓在懷遠西界
食蝗均一日而盡旣得道府報因以其事據實入告
聖心欽感 御書神參秉畀四大字 命臣澍恭
製扁額懸之神廟先是神有祠在城東江畔雍正七
年奉 勅所建乾隆中方伯陳公步瀛重修因水嚙
圯焉片瓦不存道光三年澍擇基改建於城東三里
帥字墩之西前大江而後龍山左右倚層阜爲股肱
至是仰蒙 賜扁復擴而大之規制益備歲以正月
十三日由藩司致祭冬至後三戊日撫臣率屬報賽
蓋卽周禮蜡祭時也洪惟我 國家斟元陳樞大和

翔洽偶有災眚旋即消殄至德之感孚無遠弗届而
百神効命遂有莫之爲而爲者其在詩曰田祖有神
秉畀炎火秉畀者人而歸之於神者明神之能使也
然則蛙鳥之來非神之爲而誰爲 天章揭之彰彰
明已是安可以無紀哉神名永忠吳川人元末授指
揮使嘗揮劍驅蝗蝗飛境外元亡自沈於河因封今
號見於降靈錄而怡菴雜錄謂宋江淮制置使劉錡
因驅蝗理宗時封揚威侯天曹猛將之神二說皆可
徵伏查 大清會典主降靈錄故廟額仍題劉猛將
軍云

黃鉞詩

啞啞復啞啞湖壩四千鴨四千鴨何來縣

君雇以充輿臺馬山湖中有蝻子朝生暮生不已
半在湖田半泥滓捉亦不能爲之駐撲亦不能爲之
弭縣君惟曰鴨可使唼唼復唼唼湖壩淨如洗我願
宥此鴨勿令供刀几縱之江湖中俾食天下之蝻子
有猫有虎胡媿彼 青蛙來聲何喧野鳥集驚若烟
鳳頰之間蝗出土五日不滅生翅股蛙閣閣鳥喞喞
吞之啄之一朝夕微神之力胡及焉將軍主之寂無
言將軍寂無言中丞禱孔虔惟神能弭患惟神錫豐
年微神之力胡及焉中丞上其事 天子顏有喜濡
染大筆榜其宇自今以始歲其有君不見蟲鳥效靈
有如此

龍王廟原在集賢門外順治乙未郡守李士楨另建於
康濟門外邑人任竣有記言稽古雩祭之典天子雩於
上帝諸侯雩於境內之山川而已未聞作宮而享龍者
夫龍之爲物可擾而馴也然潛見飛躍周易言之風旣
有伯雨亦有師意必有驂元虯而駕赤螭者膚寸而出
雲頃刻而霖雨乎天下雖國有水旱天行之災而司牧
者爲民請命必肇稱殷禮焉吾皖龍山有靈湫每旱禱
輒應明洪武間勅封爲順濟龍王故其廟祀不一在北
關隍外者以便於雩祭而設也兵興鞠爲茂草間者旱
魃孔熾太守李公徒步虔禱循土龍泥人故事澤以滂
沛迄用豐年如坻如京伊神之力謀建厥廟以崇明祀

龍山靈湫業爲修葺而在關外者舊基僻隘不足以昭顯赫更卜於南門外江濱爲殿三楹門三楹繚以垣牆供奉具備云後乾隆丁亥巡撫高晉又移建於北關內北察院故址卽今祠也嘉慶癸亥巡撫阿林保重修其集賢門外舊廟每歲鄉人常以正月初七日嘗飯一盂於神龕下至臘月廿四日發之占來歲豐凶飯燥主旱濕主水如蜜色則大熟云

受泉鄉龍王廟一名甯家廟在青龍壩康熙癸未重修祈雨最靈應前有神樹大數十圍春時土人常以發葉疎茂占歲豐歉

堯年鄉龍王廟有二一在石牌東港陳姓建一在石牌

懷寧縣志

卷之十一

祠祭

六

南五里魯家坂魯姓建

淶水鄉龍王廟在海口洲邊明成化三年建

龍山靈湫在大龍山眞乙觀後祀天井順濟龍王明洪武間封者每歲春秋二仲郡守詣祠致祭

明王鏊有記 安慶治龍舒其鎮龍山山去治三十里蜿蜒起伏北峙而西首有泉見山之顛淵深澄洌不竭不盈自山而下浸田幾千頃歲旱野人禱之無不應者或見雲氣顯物怪爲候云民嚴事之所從來久洪武初有勅封天井順濟龍王成化甲辰雲中徐侯傑來守安慶治人惟公事神惟慎適歲旱侯禱於茲土雨立至侯歎曰予惟守茲土賴茲山澤茲民予

其敢忘報乃與同知府事畢大經通守盧昊節推張
訓相與捐俸餘節浮費以新茲廟寢廡靚深貌像莊
麗已復具其事來京師介御史柯君忠進士危君容
求鑿刻其事於碑鑿曰龍山之食於舒宜也至其見
神於先後誰實尸之是亦理之所當辨也或曰其泉
之深黑若有神物潛焉舒人嘗或見之蓋龍云或曰
非也昔昭靈侯張公路斯嘗爲宣州及六人鄭祥遠
戰於淮淝之間與九子皆化爲龍其遺迹有存乎是
者其果然歟不可得而知也山林川谷邱陵能出雲
爲風雨者皆曰神諸侯祭封內山川然則龍山固舒
君之所當祀也鑿是以記其事於碑復爲詩以授廟

工使祀而歌之詩曰

有巖龍山惟舒之鎮有涓龍泉惟舒之潤山上出泉
其下惟田誰錫舒人自古有年維時愆陽並走羣望
有雲蔚然茲山之上靈怪乘之頃刻異狀舒人奔走
則惟我神睠焉新廟萬祀千春祀典有之法施於民
夏乾御雨蒼亭陪郡伯劉公秋祀龍山詩 輿圖河
岳重望秩古今隆大郡鍾靈秀名山自鬱葱西成修
祀事皖伯禮穹窿出郭峰迎面褰帷勢矗空秋光明
紫綬淑氣引青驄樹色川原迴濤聲遠近同巘岼雄
地軸截窳訝神功翠巘穿雲碧丹崖射日紅參差歸
寶殿森爽燦珠宮時享趨多士虔誠仰辟公追陪同

拾級延眺杳無窮斷嶺殘霞外危亭古木中林深溪
曲折徑轉石玲瓏玉簡藏難識金芝採欲逢氤氳千
嶂合風雨百靈通暮景凝霄漢村烟接冥濛迴旌香
靄靄行野黍芄芄白帝歌時稔青郊卜歲豐

康熙辛亥郡守姚琅重修構亭於龍湫前曰雨蒼謂神
之霖雨蒼生也後圯道光四年五月不雨巡撫陶澍屏
寮屬獨往致祭返及南莊嶺甘澤隨之是歲大稔乃新
其廟又卽雨蒼遺址構亭題曰孚澤用答神貺有記

皖城之北三十餘里有山翼然若屏若幕蜿蜒而
磔者大龍山也其山西麓有靈湫介兩厓間是曰天
井爲神龍之所翕栖前明洪武中勅封天井順濟龍

王國朝因之循靈湫而西有祠建自明成化甲辰
至我朝屢加修葺邦之人閔雨則禱道光四年夏
兼旬弗雨澍爲文以禱獲應猶未渥也六月十一日
晨興屏騶從詣山顛親禱於龍湫之上其時赤日當
空余自集賢關騎行十餘里至祠荒庭摧落展拜於
蒼苔瓦礫間復徒步登山約三里許始抵白馬石前
俯天井而致禮焉歸途塵埃障塞余方欽欽然懼無
能爲民請命以爲神茶比入城而雨足颯然忽至逮
轅門則滂沱立沛矣邦人皆喜計是日往返烈日中
凡七十餘里而雨大至又前後遣廬州府宋守安慶
府汪守往禱輒得雨其應如響歲則大熟噫上年水

災之後吾民顛沛流離元氣未復微此雨其何以蘇
念及此而神之賜大矣神之食報尤宜矣爰擇基於
靈湫之右岸因崖爲广而建亭焉名之曰孚澤以答
靈貺更率屬捐廉重新祠宇而紀其事於石係之以
辭以爲邦人無疆之休之禱辭曰

龍山兮嵯岬鬱礪礪兮礪礪羣峭摩天兮爛天葩朝
烟夕霧兮龍伯之所家是爲天井兮石洞豁研六時
不塵兮一雨皆花神之翕兮偃虬戶而息鯨牙神之
出兮擁玉螭而掣金蛇朝神遊兮淮浦夕神憩兮江
沙阿香萍號相從兮如麻雲中之君兮紛歷歷以排
衙願大地之盼澤兮分瓊液與流霞沛醴泉爲甘雨

懷寧縣志

卷之十一

祠祭

九

兮盈甌窶而逮汙邪慰三農之厚望兮播百穀而孔
嘉願靈貺之長昭兮祝滿篝而滿車

風雲雷雨廟舊在東郊爲壇壝春秋繼社稷出主於壇
祀之乾隆乙卯布政司周樽始建祠於龍王廟旁歲與
龍王並祭焉

周樽風雲雷雨廟碑記 風散雷動雲行雨施所以
使百物阜蕃萬民樂利者其功甚大有報有祈理宜
專祀在大易巽爲風震爲雷坎之象曰雲曰雨則四
神者實居乾坤六子之三又風師雨師見於周禮離
騷有雷師之名又曰吾令豐隆乘雲兮李善注豐隆
雲師則四神者又無不以師名是蓋勢均力敵者也

祭典之可考者斷自虞書始舜之受終有類上帝禋六宗望山川徧羣神之文說經家或以爲風雷雨在所祭之列而雲不與焉祭法始謂山林川澤邱陵能出雲爲風雨有天下者祭之公羊傳亦云山川有能潤於百里千里者天子秩而祭之然則虞夏商周之祭風雲雷雨非歷歷有明徵與夫神祇鬼之祀周制爲詳然案周官大宗伯以禋燎祀司中司命風師雨師禮載祀風雨而不及雲雷殊莫考其故蓋古之祭法或畧或詳固有未可執一論者前明始令天下府州縣立風雲雷雨壇 聖朝因之而至今府州縣有壇者不數見蓋欲別於山川之外而仍附於山川之

中由來久矣不知風雨固星也雖雷奮於地雲起於山川而其神實屬於天豈得竟以山川該之也歟安慶爲省會之地四神者亦無專祀何以爲府州縣倡爰擇爽塏建祠於城之北門中有正殿繚以周垣鳩工庀材不日而竣誠以四者爲天神不敢以山川該之也或曰古者祭天神地祇皆爲壇惟人鬼則立祠以祭今立祠以祀四神非典竊謂不然今之民俗以人鬼祀天神地祇者不一而足矣直省祀風雲雷雨亦皆廟而不壇蓋專祀不泥於古立祠不戾於今所謂禮以義起也祠旣成寮屬請爲文刻石述所自且示來茲因爲之記

郡城隍廟在康濟門內西向有堂有寢有東西序有齋所神最靈異府縣官每朔望拈香歲以五月望後巡城爲會以樂神者一國之人皆若狂自元時已然

余忠宣公城隍廟碑記 城隍祠古不經見自唐以來始稍稍見之今自天子都邑下逮郡縣至於山陬海嶠荒墟左里之內無不有祠然以余觀之民之事神與夫神之著靈於民鮮有聞如舒者也舒固楚壤也其俗巫鬼今乃他無所禱祀獨於城隍出必祈反必報水旱疾疫必禱一歲之中奉膃蕭膏鐙幡幢於廷者無虛日五月之望里俗相傳以神生之日也民無貧富男女旒倪空巷閭出樂神吹簫伐鼓張百戲

遊像輿於國中如是者盡三日而後止其祠視他郡爲特甚至正中穎六之盜起江淮以南郡縣陷没十七八及盜之平所在爲墟舒特比盜境大小格鬥前後百餘民率咨神而後行卜朝以戰則朝而捷卜夕以戰則夕而捷羣盜未嘗一日得志而去者故其城郭廬屋視他郡爲特完民不忘神德相率出泉以新其廟又請於朝乞崇其號以大報之中書下其事太常博士議升神於王號顯忠靈佑十四年夏四月報下帥守及民以少牢祀神於前殿而揚言於衆曰夫舒太嶽之裔也非南方諸國之所能擬其神之著靈固宜且吾舒人親上死長旣義而忠神之降休亦其

宜也乃爲銘詩刻之廟門以薦道神休民德於無窮
其辭曰

巖巖太嶽時維皖潛臨此大邦爲望於南神宮於鑠
追房綺閣玉几在中袞衣朱舄其靈有皇其聲有那
使人齊明奔走是宜彼愾不藏盜兵以狂蠶屯于疆
其旆央央我民秉義弗隨禦之殷輪鼓之裹創斧之
其衷伊奭赫若皎日神之正直宜福之錫天人之緯
具曰旭卉明者眎之端若觀火天因者人人成者天
相彼草木其固可言此有榮木蕃彼雨露彼有顛由
自無承者凡今亂邦孰無神依民失厥道胡能有佑
桓桓舒人爲君爲國先民有言自求多福其充厥行

懷寧縣志

卷之十一

祠祭

十二

孝父長兄弗祈於福丕乃降祥而自不義不率不迺
來瞻於宮神吐不食大師之克執律以報今我小康
敢忘厥佑嚴之奉常秩號有光牲幣版章升眞於王
禮行旣具樂奏旣卒工祝致告徂賚無極其自於今
無害有年民樂斷斷烝衍於神

舊碑已不可見今碑
乃重刻者谷口鄭篋

八分
書

明太祖定天下殲陳友諒於鄱湖神有助焉卽位二
年遣官致祭謂神聰明聖不可測封監察司民威靈
公正統己卯逆濠倡亂上流揚帆抵皖環攻十八晝
夜守臣力禦之賊見有紅袍躍馬周匝城堞間者駭
愕而奔竟以授首當時咸謂是神之靈太守石簡新

其廟構堂五間蔽以後寢翼以兩廡同知熊汲爲作
記順治乙酉燬於兵知府桑開第知縣賈壯重建邑
人吳邦柱有記言乙酉四月七日之前一日神見夢
於司廟者曰明日當有災可移我於外避之詰旦司
廟者因舁神於郊日晡兵譁而廟火羣驚爲異再改
歲桑公賈公乃捐金修復云康熙壬子廬鳳滁和等
處蝗協鎮吳從禮言於中丞靳輔禱焉立時蝗滅乙
卯丙辰間新其廟從禮捐金五百兩爲倡落成之日
中丞以一少牢祠勒石記之其靈可見矣

縣城隍廟在山口鎮嘉慶二十四年間邑人另建於城
內之楊家塘右歲以七月望巡城賽會之盛不減於郡
懷寧縣志
卷之十一
祠祭
十三
城隍而五月常祀邑令仍親詣山口舊廟焉鄉鎮若總
鋪高河鋪石牌南山柴皆有廟會亦彷彿蓋楚俗尙鬼
其來舊矣

土地祠不可勝紀惟太平寺西社壇嶺之神香火最盛
厲壇在府北郭外歲以七月望十月朔請城隍之神出
莅其壇榜無祀鬼神而分祭之舊六鄉厲壇各一今鄉
俗七月十五之望或家家煮青精飯剪紙爲衣召巫祝
作瑜伽名曰賑孤無專壇

旗纛霜降日巡撫帥寮屬迎其神於操江廠

文廟春秋二仲上丁之祭先期演樂於明倫堂正獻官
省牲惟府學有樂縣學舊附府無祭止行釋采禮明萬

歷年間始分祭祭品祭器禮生與府學同

舊志儒學祭器雅樂明末敝廢已久但存其名無復歌舞陳設之盛康熙二十二年知府劉櫟捐俸製造樂舞諸器教授郝毓峻訓導汪良相各捐俸繼之乃次第修舉而不盡如禮乾隆六年 詔頒發祭器樂器學宮陳設始美備矣其樂章雍正八年 御定曰昭平迎神曰宣平初獻曰秩平亞獻曰敘平終獻曰懿平徹饌曰德平送神乾隆五十一年定樂譜鍾呂嘉慶三年頒譜於各學洋洋盈耳極於今日其樂舞康熙三十六年定用三十六人乾隆五十年又加四人爲四十人以備疾病事故其祭品犧牲粢盛籩豆

懷寧縣志

卷之十一

祠祭

十四

有專書不具載籩豆之實卽周禮籩人醢人所掌明英宗命品物非其土產者以所產代焉

四忠祠鄉賢祠名宦祠昭忠祠烈女祠五祠俱在府學東共一門題曰乾坤正氣嘉慶十二年修府學卽舊祠址拓之因重建焉春秋繼上丁致祭

四忠祠本明知府胡纘宗於北郭外建二忠祠祀宋通判孫知微夏椅續巡撫史可法又於東郭外建二忠祠祀明總兵程龍參將潘可大後俱廢康熙五十九年知府張楷於府學東啟聖祠廢址捐俸修葺設主合祀故名四忠東席附祀者宋統制范勝統領張林正將高興副將孟興安撫使張德興司空山傅高

野人原劉源元都統制陳宗義千戶葛昂明同知王
治心潛山知縣李允嘉太湖知縣楊春芳金應元李
盛英宿松縣丞朱萬年府訓導柳鳴鳳太湖訓導扈
永寧參將張寶山邱壯猷孟振邦王培基遊擊張其
威項鼎鏞包文達朱士允杜先春張韜守備趙繼春
徐際相潛山主簿張逢時典史沈所安巡檢吳暢春
義民汪鑾義兵竇成西序附祀者元懷寧尹陳道夫
明雲南僉事張澤江西按察使王九鼎廣東瓊州府
通判江襟楚湖廣穀城知縣阮之鈿黃陂縣丞夏統
春嶺東郡教陳學良涇縣訓導劉守中千戶黃孟五
諸生何霖胡士恂方應旂左旗徐顯問寨長汪之璞

懷寧縣志

卷之十一

祠祭

十五

義士周日耀義民王立邦陳尙炳 國朝廣東信宜

知縣韓應震遊擊徐益志千總陳豹

名宦祠祀周大夫皖伯

按周大夫不知所本恐傳聞之誤有辨見沿革表

漢

宿松令張何丹晉樅陽令陶侃唐都督張鎮周刺史

獨孤及張知謩胡珣張萬福從事張籍望江令麴信

陵盧仝宋團練副使蘇軾知州李綱黃廷堅游酢黃

幹李師中通判孫知微夏椅望江知縣蕭服安撫使

張德興元都元帥余闕萬戶李宗可知府韓建都事

帖謨補化太湖尹翟居仁宿松尹趙與權戴昌望江

尹程宗傑明巡撫黃配元史可法兵備使張九德兵

備副使馮叔吉知府趙好德邵彧張冕錢性周濟鍾

蕃郭紆陳雲鶚張文錦許評李遜徐民式楊堯華王
璠楊茂元胡纘宗王宗徐葉夢熊同知林有祿王治
心通判何景暘張叔豫推官常自裕指揮崔文守備
楊銳府學教授羅用俊懷寧知縣劉鳳翔韓明王璟
李一寧王誥縣丞陳希文桐城知縣嚴頤胡儼陳勉
潛山知縣錢處義蕭翼袁慶祥高通縣丞宗信教諭
袁魯太湖知縣賀懋羅汝芳許英李承勛訓導周邦
熙宿松知縣姚岳陳恪望江知縣張奇郭倫主簿陳
泰教諭張夔馮善 國朝總督于成龍馬鳴佩范承
勳郎廷極巡撫靳輔楊素蘊佟國佐李炳梁世勳江
蘇巡撫湯斌操撫李日芄李猶龍布政使劉漢祚按

懷寧縣志

卷之十一

祠祭

十六

察使王國泰學院張泰交張元臣余正健高去奢徽
寧道王緒祖糧道鮑復昌學道邵嗣堯知府趙世楨
劉五瓏潛山知縣趙宗普

以上二十四人皆舊志列在祀典者

續祀巡

撫高承爵張楷朱珪學院許汝霖操撫李鼎布政使
周樽知府常君榮王廷賓臧榮青推官黃熙纘
鄉賢祠祀漢蜀郡守文翁大司農朱邑尚書郎周興
晉國子祭酒杜彝涇縣令何琦太常卿尚書何叔度
南宋海虞令何子平南齊尚書左丞何佟之侍中何
昌寓太子中舍人何求梁治書御史何炯唐合肥令
徐仲源宋南康司戶吳桌興國軍管庫張漢卿處士
王日休祁門丞潘琛義士傅高元懷寧尹陳道夫閩

縣教諭賈良處士王幼學明懷寧孝子曹鏞監察御
史甘霖舉人危山紹興通判劉鈺江西按察司僉事
程亨浙江布政司參議吳昇行人丁榮贛州知府李
璉安吉知縣余順裕州學正段恢麻城知縣劉溥贈
桂林知府吳鯉陝西督學僉事方鵬雲南僉事張澤
江夏知縣韓棟臨武知縣程程贈御史何槐山東左
布政劉尙志應天府丞顏素廣東參政任可容河南
右布政吳嶽秀左通政使楊材邵武知府阮自華舉
人吳應鍾湖廣按察使任國楨諭德劉若宰諸生任
之燦贈大夫張久中桐城孝子檀郁桂林知府
方佑監察御史江宏濟瓊州知府方向天台知縣方

印刑部尙書錢如京監察御史雷宗四川按察使余
珊贈刑部主事阮廷讚贈御史盛儀贈大理評事謝
宗浙江巡撫阮鶚贈吏部文選郎何如盛姚安知府
胡士奇贈御史方學漸左都御史左光斗大學士何
如寵左春坊吳應賓大理少卿方大鎮潛山大理寺
左少卿汪善舉人劉英杭州通判王道尙寶丞金燕
太湖雲南參政劉燾順天府丞周璽廣西按察僉事
李淳福建按察副使吳肇東山東武德道雷縝祚長
沙知府沈立義望江湖廣布政參議王瑞尤溪知縣
王之慶宿松御史凌昌內鄉知縣鄧恂汝陽教諭鄧
義國朝懷寧瑞州知府孟命世贈大夫楊昭

雍茂名知縣錢選左都御史楊汝穀臨安知府江濬
源桐城刑部尚書姚文然拔貢姚文勳刑部郎中姚
士堅內閣中書姚士堂歲貢生姚士堅潛山温州知
府盧璣望江海門訓導龍應鼎其孝子無專祠附主
鄉賢祠者懷寧江本宗許生棟濮宏中劉鳳麟桐城
左光前王最左藻

昭忠祠嘉慶九年奉 勅建以祀從征教匪陣亡者
守備李根長龍魁千總盛殿元外委孫貴白榮安河
南遂平縣巡檢左堯臣湖南邵陽縣巡檢方相袞皆
設主於中東西從祀者安慶營馬兵二人 張紹廷 戰

兵十六人 郭連升王得榮陳廣曹相陳得勝朱得成
李楷馬迪彩雷福張楷熊華懷朝貴金元

懷寧縣志

卷之十一

祠祭

十八

馬春馬迪 守兵三十一人 白魁倪國國政李世太柯正
華楊德友 守兵三十一人 元王定國錢得龍王廷貴

呂升王以德胡貴馬迪慶鄭華劉魁曹國華徐朝選
王成玉陳人傑馬起龍方得元聶龍詩楊得榮楊應

國 沈加祿李世榮丁昌福陳國太滕定 潛山營馬兵
魁 沈加祿李世榮丁昌福陳國太滕定 潛山營馬兵

五人 王世綱葉安邦 戰兵十三人 徐得恩徐延鳳馬
李朝紀榮祿涂國寧曹得元 守兵十七人 儲揚朱華

王世泰汪榮魁馬世謨孫鼎 守兵十七人 林恩勝程
安國徐贊朱爵徐延珍徐枝仁孫攀桂張連高 桐城

王蘭王定國曹魁元牛必貴楊占魁陸吉葉安 桐城

戰兵二人 李高祥 守兵四人 張安國栢楷 太湖戰兵
楊正祥 守兵四人 江太許桂 太湖戰兵

一人 石元 守兵一人 李榮 望江戰兵一人 張元 宿松守兵
元石 守兵一人 華李 望江戰兵一人 元張 宿松守兵

二人 張定國 太湖鄉勇二人 劉惟堯 是時禮部議各
王士英 太湖鄉勇二人 范申 是時禮部議各

直省郡縣擇於關帝廟或城隍廟側近構屋三楹祀

焉今祠建於學宮儼與四忠名宦並列失等差矣

列女祠舊在正觀門外社壇之東少南明知府胡纘
宗建康熙六十年知府張楷重建雍正元年 詔各
省學建忠義孝悌祠仍建節孝祠於學宮外始移建
焉知府胡纘宗原祀貞烈三十四人貞女黃千金范
遇時妻顧氏李忠妻王氏岑善慶妻陳氏錢某妻胡
氏羅仲宏妻方氏謝咸初妻林氏錢時妻孫氏葛晟
妻金氏朱得進妻王氏胡聚成妻王氏方福一妻王
氏方伯通妻鄭氏楊宗禮妻程氏邵英妻左氏陳通
妻汪氏陳信妻趙氏畢琛妻鍾氏咎保兒妻杜氏李
益妻陳氏嚴文昌妻張氏王寬妻張氏陶鏞妻鍾氏
陶繼妻方氏陶亮妻王氏亮側室吳氏以上三氏俱
載鍾氏傳內
張閔妻李氏姜標妻徐氏方說妻姚氏盛德妻倪氏
劉鍾致妻胡氏王相妻蔣氏周見妻桂氏錢巨瞻妻
周氏附名宦貞烈三人唐張孚卿妻王氏元余忠宣
夫人蔣氏元知府韓建夫人某氏共三十
七人續祀烈婦
三十九人韓鼎允妻劉氏劉若寓妻吳氏錢鏞妻劉
氏劉餘謨妻阮氏何仲妻許氏李秀野妻余氏顏素
孫媳劉氏方都韓妻呂氏錢文炳繼妻顏氏高孝銘
妻吳氏戴杲側室毛氏戴堯封妻劉氏張麟母徐氏
雷澤母楊氏房甲妻陳氏游必常妻魯氏高陞妻劉
氏吳宗孔母胡氏陳尙炳妻何氏張明璋妻游氏唐
祖舜妻楊氏徐憲武妻林氏秦鑑母劉氏葉樓妻汪

氏蔡復克妻江氏張起鳳妻黃氏陳毓純妻黃氏張繼新妻羅氏金汝暘妻黃氏汪之黃側室湯氏劉若寬妻黃氏王眞卿妻梅氏劉蕃妻阮氏郭邦宰母劉氏陳自妻程氏段志高妻李氏張夢鼎妻張氏牛宗元妻路氏胡紹虞妻蔣氏附隨任烈婦一人李煥元妻孫氏共四十一人續祀貞女二人程女黃巽貞續祀節婦三十六人王氏雪姑蔡用賓妻王氏劉氏三姑梁煥妻謝氏汪渾泉妻丁氏陳氏妙福盛應敦母程氏蔣毓芝母錢氏汪之棟妻阮氏楊大善妻劉氏洪橋妻張氏汪伯憲妻陳氏章宗雅妻洪氏方天寵妻陳氏劉尙羔妻徐氏孟學孔妻楊氏李若亮妻周氏林士

翹母吳氏鄧久中妻潘氏楊之顯妻吳氏劉必成妻楊氏葉龍光繼妻龔氏程士朝妻聶氏吳廷植母雷氏錢致遠妻程氏洪有訓妻盛氏謝之騶妻何氏張璋妻程氏王景華妻桂氏夏子榮妻張氏高堂妻錢氏馬三台妻鄭氏盛應薦妻余氏錢有達妻李氏陳嘉啟妻邵氏張超樞妻楊氏附祀慈孝十一名任可容妻楊氏阮以臨母高氏顏從仕母游氏劉若實妻阮氏方昇妻曹氏劉餘清妻徐氏任之燦妻方氏黎民貴妻孫氏顏渾妻林氏任國楨妻黃氏劉光祖妻董氏

前府志張楷云列女祠明守胡可泉建原祀貞烈

三十七人皆勅表詳旌者明末迄今續祀八十餘人余親詣考覈見几筵傾頽混將原祀續祀及志載慈孝概書一屏而原祀反多遺漏因歎茲祀原以貞節諸魂愁慘阨塞藉歲時酌酒慰之若履富厚邀封贈者不應爭此瓣香顧相沿已久姑分三屏一書原祀於上一書續祀於左而列慈孝於右庶爲得宜云

今祀節烈十九人金龍友妻馮氏曹塢妻洪氏徐景堂妻丁氏葉湜融副妻朱氏胡聲鈞妻鄭氏江振明妻張氏韋文光妻丁氏楊應漸妻王氏韋文煒妻吳氏李允執妻柯氏周家聘妻何氏陳九春妻王氏張

清譔妻江氏龍應宗妻高氏汪應巍妻王氏路瓊妻周氏汪受之妻倪氏秦榮光妻陳氏周個臣妻江氏貞烈四人左其位未婚妻林氏李宏希未婚妻李氏張可暹未婚妻汪氏嚴纘未婚妻左氏貞女十人孫守萃未婚妻程氏汪德孚未婚妻鄭氏趙天永未婚妻戴氏周士桂未婚妻李氏潘政第未婚妻李氏方顯榮未婚妻沈氏何文舉未婚妻陳氏程小姑汪大妹張氏節婦二百七十五人張可昱妻謝氏查國瑞妻徐氏張承之妻楊氏周霖妻馬氏李兆龍繼室劉氏王天相妻徐氏王攀元妻黃氏陶煒妻徐氏周鉞妻傅氏馬前盛妻黃氏汪志綿妻楊氏唐應鵬妻陳

氏 謹世越妻焦氏 張學海妻梁氏 路寶成妻朱氏 胡
聲燦妻吳氏 查元妻雷氏 王孟嗣妻盛氏 張國寧妻
汪氏 洪光澗妻李氏 朱昌佑妻沈氏 洪光池妻錢氏
王士墀妻查氏 劉景華妻鄧氏 楊石玉妻劉氏 張必
燦妻李氏 張江妻李氏 張宗信妻陶氏 柯鐸妻饒氏
諶徵妻劉氏 楊名聲妻馬氏 王國槐妻任氏 張成章
妻殷氏 李士梁妻蔣氏 沈涵德妻于氏 王應詔妻阮
氏 馬家帥妻余氏 王新渥妻金氏 胡觀法妻潘氏 彭
用霖妻馬氏 常振岐妻張氏 鄭位妻程氏 妾夏氏 王
仁輔妻翁氏 黃宣埏妻陳氏 翁士傑妻李氏 戴尊一
妻張氏 任儒林妻陳氏 劉尙義妻胡氏 黃景榮妻魯

氏 張綯妻葉氏 吳銳妻段氏 劉前彤側室邵氏 汪之
華妻閔氏 黃晨妻饒氏 張培之側室陳氏 潘啟烈妻
丁氏 鄭禮若妻魯氏 何榮典妻江氏 阮炗妻聶氏 汪
顯道妻江氏 劉從矩妻黃氏 余辛若妻張氏 余嗣恒
妻張氏 張有瑄妻周氏 繼室陳氏 魏自爽妻朱氏 文
繪妻沈氏 何瑀妻路氏 孫國麟妻劉氏 舒漢妻劉氏
谷宗珍妻方氏 楊一觀妻陳氏 孟振竈妻李氏 孫嗣
權妻李氏 黃一鶴妻黃氏 楊家璽妻朱氏 江尙涵妻
何氏 沈元暉妻李氏 黃一鵠妻陳氏 黃中鎬妻張氏
洪緯妻李氏 朱廷璽妻李氏 何秩萬妻王氏 姚鵬妻
鄭氏 沈代佳妻胡氏 任奕鈞妻洪氏 陳烈光妻劉氏

蔣正寅妻方氏孫可任妻夏氏鄭道富妻余氏江熾
妻丁氏錢元妻高氏謝恩德妻鄭氏趙一鏞妻陳氏
路大旌妻譚氏鄭萬澍妻程氏王吉士妻徐氏陳懷
義妻丁氏徐祖渚妻檀氏陳昌達妻程氏任奕鏞母
沈氏蘇衡母張氏黃嗣潛妻周氏葉期章妻朱氏朱
學享妻陳氏劉餘謨妻李氏聶永賢妻戴氏王大任
妻朱氏錢昌鼐妻張氏宣做聞妻阮氏潘聖甫妻
勞蔚宗妻李氏李國喬妻徐氏葉爲墉妻濮氏李國
甲妻謝氏韋臺衡妻舒氏楊堯妻雷氏黃瑞禎妻方
氏劉承麒妻夏氏湯銘妻沈氏黃道昇妻潘氏孟珊
妻胡氏李宏勳妻汪氏陳元通妻楊氏洪有濟妻宣

氏盛應增妻周氏汪必裕妻胡氏王賓我妻董氏楊
應壯妻任氏汪士瑤妻吳氏程敦式妻張氏戴天培
妻盛氏蔣紹憲妻梁氏王爾瑞妻范氏周惟士妻沈
氏胡文治妻張氏汪符元妻劉氏盛昇妻蔡氏蕭如
愴妻王氏陳玉耳妻鄭氏李士鵬妻劉氏張超杲妻
劉氏任奕鎧妻汪氏揭輔明妻葉氏黎世宰妻張氏
洪正昇妻李氏段爽母劉氏錢夢曦妻彭氏方澍妻
殷氏朱順合妻樊氏詹啟宗妻郝氏
魯傑生妻張氏沈世均母鄭氏許廷鎔妻余氏黎民
望母鄧氏周自鎬妻桂氏王兆賢妻詹氏劉秉中妻
葉氏張若臣妻王氏汪若棟妻錢氏阮瀨妻方氏程

凌雲妻湯氏李杲妻汪氏黃光猷妻陳氏饒延禧妻
汪氏葉爲狀妻童氏陳子誠妻吳氏徐雲飛妻段氏
程賓臣妻楊氏程景泗妻陳氏朱正顏妻許氏阮廷
魁妻舒氏黃嗣瑤妻潮氏盛斌妻洪氏馬如選妻李
氏方正旭妻詹氏馬三畏妻梁氏梁士建妻潘氏勞
瑞寰妻徐氏陳應忠妻吳氏汪聰妻方氏楊宗禮妻
程氏汪括妻吳氏潘從仁妻金氏劉從堯妻鞏氏王
務本妻方氏汪浚妻江氏彭德彰妻甘氏李高五妻
何氏王應珏妻黃氏李岑妻江氏蔣英妻董氏丁德
渾妻查氏舒國垣妻周氏徐祖溶妻王氏徐祖沅妻
秦氏汪若材妻韓氏李儵妻姚氏方希鼎妻周氏劉

忠妻秦氏徐士備妻潘氏何象乾妻陳氏丁昌達妻
田氏許子雲妻張氏黃廷機妻陳氏丁潔妻黃氏汪
道宏妻虞氏趙英妻丁氏劉聲珏妻葉氏鄭國珠妻
趙氏余宗畧妻李氏孫承妻楊氏方文絢妻任氏吳
心默妻李氏羅世華妻胡氏任恒森妻程氏程盛武
妻謝氏楊茂妻胡氏王成甲妻汪氏王宗桂妻徐氏
孟璞妻胡氏何湯聘妻丁氏胡聲友妻李氏褚國璉
妻胡氏劉從遠妻金氏楊文謨妻陳氏路正康妻方
氏蔣順炯妻許氏丁昌祀妻孫氏何植副妻田氏盧
正紳妻呂氏汪之江妻劉氏方世臣妻陳氏陳哲臣
妻張氏趙必義妻陳氏李眞憲妻楊氏曹世鏞妻秦

氏聞美五妻吳氏張昭聞妻黃氏楊世型妻何氏陳
維坦妻丁氏曹家樑妻李氏王祚德妻朱氏盛自台
妻米氏宋必仕妻唐氏蘇應楷妻余氏徐世維妻徐
氏陳元通妻楊氏胡文法妻沈氏葉勝長妻童氏孫
國麒妻劉氏劉同晉妻李氏毛有璧妻周氏產時敘
妻錢氏張秉文妻方氏張蘭森妻江氏聶時乘妻余
氏張維坤妻劉氏曹世相妻汪氏何景福妻張氏楊
本立妻陳氏劉以方妻胡氏張友敬妻方氏張文暹
妻劉氏胡聖烈妻劉氏葉爲疆妻雍氏胡大志妻張
氏先是節孝祠牌被燬嗣經追立聽書者自爲增竄
或但書某氏或減去其夫之名今依旌冊推求名姓

仍失無考者六人蔣江氏蕭汪氏葉劉氏何任氏李
金氏李江氏其續旌者皆例得入祠或原未設主不
盡開載也

關帝廟在集賢門內其後殿爲三義祠以先主桓侯並
壯繆爲三也關帝廟所在皆是有司春秋致祭唯此廟
舊制卑俵明萬曆甲寅監察御史徐應登郡守連繼芳
大其規與前殿稱有碑記

文昌宮郡舊有兩文昌閣一在縣學巡撫薛柱斗建一
在樅陽門內高五丈許按察使多宏安建邑人劉宏謨
有記言皖城西北有崇山峻嶺東南則奔瀾湍激下流
傾瀉地形不足泉使多公捐俸於萬億倉最高處建文

昌閣閣四層高五丈許周百餘步遙接迎江寺塙與俱
雄峙人力而補天功之缺所以翊興文運爲皖發其英
靈者也嘉慶六年 詔各省建文昌宮祭文昌帝君倣
關帝廟定制春秋致祭從大學士朱珪之請也九年巡
撫阿林保郡守樊晉建宮於樅陽門閣之西偏有碑記
又忠臣廟內有上達樓亦朱珪建以祀文昌帝君及孚
佑帝君者

山谷祠在縣學前卽山谷書院也祀宋黃庭堅旁爲德
星堂明郡守胡纘宗取先哲之官於斯寓於斯有賢名
如山谷者得晉中書令王祥光祿大夫王覽唐翰林供
奉李白舒州從事張籍宋舒州團練副使蘇軾通判沈

懷寧縣志

卷之十一

祠祭

二十六

煥知州李綱寶謨閣學士楊萬里合祠焉邑令王朝用
有記

余忠宣公祠在試院之東忠節坊今坊祀元忠臣余闕

舊以春秋二仲繼鄉賢名宦致祭於此用韓建李宗可
配食

明謝遷記曰余忠宣公廟在安慶府廨東之忠節坊

是時未有布政司府署卽今藩署故云坊名忠節廟故也始公死在城

西門外清水塘葬之者卽於其地我太祖蕩清區宇
旣表其墓復命有司立廟歲時饗祀之墓在外而廟
在闐闐中吏民之所瞻依爲便也廟自始立至於今
百餘年矣有司祇事惟謹罔敢或替忠義之起敬於

後者如此蓋方其時賊寇亦既知所以重公而禮葬之矣况我聖祖維新之化乎又况有司之良奉宣德意者乎成化甲辰夏刑部員外郎山西徐侯傑出守安慶始至謁公祠卽思所以致敬於公者閱歲凡廟之堂廡門牖以及周垣外內黜堊丹雘悉爲新之工既畢監察御史柯君忠進士危君容其郡人也請予爲記嗚呼公初承命守安慶時蓋已知必死矣知必死而之死之既死之後公之神其不眷眷於此乎於其栖神之所爲之致飾固宜矣論者言公之於安慶猶張中丞之於睢陽睢陽之在唐安慶之在元皆江淮之蔽障國家之要害也故二公者皆致死而必死之

其才力節概蓋畧相當今二廟相望於數百里間亦可以無愧也或以爲張公死唐中興之功有賴焉余公死無救於元之亡嗚呼此豈可易言哉天厭元德久矣故令其土崩瓦解壞爛而不收實欲以啟聖明之治而頹波橫流猶賴公屹立其間誠不欲忠義之正氣遂絕於是時也故公之死非獨爲元也存食不避難之義聖明之褒表非獨爲公也示萬世臣子之訓然則今日有司之祇奉亦豈獨舉故而已哉誠天理之在人心者不容泯也予故因是而備論之其後郡守胡纘宗又以從闕死者二十二人附祭東序爲推官黃突倫歹都事帖謨補化經理楊恒段玉

章知事余子正公甥福童達魯花赤伯家奴萬戶紀

思敬紀守仁富金金勝宗西序為縣尹陳秉德舊志忠義

傳載縣尹陳道夫祠祀載陳秉德元紀載陳巨濟疑即一人未敢臆度並誌以俟考証 鎮撫陳

彬千戶余嗣元人赤不花音理盧廷玉忽都蠻葛延

齡邱登許元琰那海也先百戶黃君後因祠隘移祭

於城外忠臣廟

忠臣廟在正觀門外即青陽書院也忠宣公墓在焉

烈夫人祠在忠宣公墓旁明郡守胡纘宗以忠宣夫人

之死有光於忠宣而其側室耶卜氏耶律氏子德臣女

安安甥福童諸人之死無愧於忠宣皆不可無祀故特

建祠歲時致祭康熙庚子郡守張楷重修忠宣公孫名貞四者贅於

懷寧縣志

卷之十一

祠祭

二十八

王氏因從王姓知府張楷邑令張懋誠訪得遺裔詳請督學余正健復其本姓設奉祀生二名乾隆五十九年督學吳廷選裁存一名

王士禎皖江懷古詩 清水塘邊余闕祠雲霄浩氣

凜鬚眉英姿颯爽猶橫槊古砌荒涼只斷碑鶴化千

年非故國雞鳴十廟不同時皖江便是田橫島義士

悲歌為涕洟

蔣士銓皖江謁余忠宣公祠詩 十載重瞻廟像真

同龕相敬故如賓一塘清水澄千古三冢香泥葬六

人食祿敢存能死念臨危才見讀書身江濤氣靜靈

旗閃天馬旁邊有畫輪

黃景仁余忠宣公祠詩 至正國步何倉皇將軍許

國軀堂堂生爲孝寬易易耳一死直是張睢陽妖星
十丈橫軫翼兩淮東西已歸賊龍舒重鎮實彈丸賊
畏將軍至傾國裹瘡前後數十戰漸見全城氣皆墨
蜂屯蟻聚當平明巷戰殺賊揮短兵賊酋大呼宜得
生生當官汝付汝城將軍戟手指賊語死爲厲鬼當
殺汝青萍三尺水一泓去此一步無死所將軍已死
殉合門紛紛部曲呼其羣曰余將軍死死君我輩何
忍辜將軍從而死者千餘人此千人者驅可戰寧死
相從不生叛生得死力死得心將軍才大空古今用
之乃副宣慰使國是披猖可知矣斗大城猶守六年
百戰身經中三矢真人濠濮提劍來掃清六合浮雲

懷寧縣志

卷之十一

祠祭

二十九

開崇祠遣祭議隆諡碧血靜掩蓬蒿堆靈風何事尙
含怒應爲階前老臣素嗚呼元亡尙有人盡如將軍
元可存嗚呼安得如將軍

文武宣力祠原在忠節坊忠宣祠東祀明知府張文錦
指揮崔文後廢康熙庚子郡守張楷移建於忠臣廟烈
夫人祠前設主奉祀又查舊志扼宸濠者尙有同知林
有祿通判何景暘知縣王誥守備楊銳檢校張珂教授
姚諒均有全城功併設主附祭焉

郡伯祠韓公祠大節祠府主廟皆爲元郡守韓建立者
郡伯祠在馬王廟左明初韓公無專祠成化中郡守
徐傑始議配食余忠宣公廟議曰竊見元封豕國公

諡忠宣余闕之墓坐落本郡城西郡治東祠爲有司
朔望謁拜歲時致祭之所而守臣韓建不與焉臣考
闕所著青陽文集大節堂記內載宗正郎中韓建守
安慶始末所以揚建之懿美於無窮也復考元史并
闕死節本末一則曰守臣韓建一家被害建方卧病
罵賊不屈執之以去不知所終一則曰總管韓建舉
家被害建病不能興賊執之建罵賊不輟求死甚急
賊不殺以戶扇舁去不知所終臣竊以爲韓建之在
當時力攻固守其大節如彼被執之際病不可爲猶
且罵賊求死其不屈如此賊舁去雖曰不知所終必
不肯屈節偷生以苟免也且建守於前闕繼於後實

爲一體闕已蒙表揚得以賜祭而守臣韓建完城戰
守精忠大節似與闕亦相頡頏今乃落落無聞誠爲
闕典伏望皇上擴天地之量廣一視之仁乞勅禮部
許於本祠內添設建木主一位庶歲時有事於闕而
建得與一爵之榮使盡節於前代者不泯其善陰受
夫國家之恩而守土於將來者亦有所激勸思奮其
報効之義矣下禮部可其議其後參政郭紘建元守
臣祠一名府主廟卽今之郡伯祠郡守胡纘宗又訪
得公遺骸瘞於康濟門外江濱碣其墓建祠於上卽
今韓公祠也康熙 年郡守劉標重修乾隆二
十四年王鳴又重修始撤木主易以像言韓公遺像

二一在邑西關外一在太湖耆舊傳聞在太湖者惟肖特命工倣而塑之

魯琢韓公祠詩 空祠枕江磯怒潮不敢競入門松檜蒼古直皆可敬老衲壞色衣水雲淡相映在昔至正年妖氛江介盛軍中有一韓刁斗森健令捐軀矢報國風流耿自命至今皖人士俎豆懷先正拜罷眺寒江餘霞澄地鏡

大節祠在西郭外山麓卽取大節堂以名祠也余忠宣公大節堂記曰皇帝御天下之十五年念君德之不宣民生之未遂乃詔丞相更守令之法著考課之令厯簡朝臣以爲郡縣親御便殿賜之酒而諭遣之

於是天下之吏人人奮勵以治所謂六事者以成功名稱上意宗正郎韓君建之守安慶也獨鮮所有事其政清淨而已在官三年潁六之盜起所在奇袤之民羣起從之殺守令據城邑時天下久平民生長不識兵革而郡縣無城郭無兵備卒然有變吏往往盜未至先去而城陷有不去者盜至而民不與之守城亦陷明年十一月盜入宿松破太湖潛山吏多徙家江中爲去計君獨無所徙而治城隍討軍實以示民必守不去越明年春盜入桐城以桐人來攻城君縱民出擊之盜敗去自二月至於九月盜之來攻者十有一大小百餘戰皆敗之盜大忿乃悉衆而來舳艫

數百里鉦鼓之聲動天地王師敗績小孤山十月癸卯盜遂北至城下城南郭久隳爲民居而聯羣艦爲城盜縱火舟燒聯艦艦潰火入南門燒民居諸守將亦潰民恐甚走來眠君君方部署寮吏爲戰守如恒日民乃無恐且戰且撲火甲辰盜薄西郭戰却之明日薄東郭又戰却之相火所經撤民屋材夜柵之旦甲寅盜力攻無得利諸潰者聞城完且相率來援盜望見之乃夜引去余來戍郡道聞城陷矣比至乃完問故父老皆曰韓君完我君時亦去則民無與爲守民無與爲守則城之完不完蓋未可知矣方朝廷更化時吏皆黼藻其政以角一日之能君若無能然者

及臨大變其所能者乃若人之所未易能君誠不可以小知也予觀於今南方之國不瀕于盜非其所力攻有能守者矣而瀕於盜者爲難瀕於盜徼幸于一勝有能守者矣而屢勝者爲難屢勝矣至於敗且危於是不去而上效死以保其下下效死以衛其上卒能因敗爲功以危爲安如君之爲者蓋千百之一此人之所難能也曾子所謂臨大節而不可奪者君其人歟郡所治屬縣六西至於懷寧又西至於潛山又西至於太湖武夫義民列砦相望百戰抗盜賴君以爲根本而無叛意東至於池又東至於姑孰數郡之民賴君以爲藩屏而無死傷之禍君之所完不

既大矣哉余抵郡十日盜復大至與君率衆殲之盜不至者今再期矣十四年春三月朝廷錄十月功特加君中奉大夫秩從三品幕官以下各升秩有差余因名其廳事曰大節之堂所以揚君之懿於無窮也雖然治之有亂猶旦之有夜也後之人坐其堂而思其人而想其時有不協於其行不完於其民者獨不欲然於君者乎余之名堂又所以勸於無窮也君字

公懋遼西人

明羅英有記言此碑石在郡堂之西碑陰有大節堂三大字公所篆筆鋒勁直

儼如端人正士云

元成廷珪大節堂詩 戰勝非難守勝難逆圖未伐

膽先寒焉知天下無諸葛始信軍中有一韓當日雷

懷寧縣志

卷之十一

祠祭

三十三

靈歸號令至今烽火報平安雄文大扁同時出大節名堂後代看

府主廟在鴨兒塘舊爲府主炳靈王廟祀泰山三郎後圯移炳靈王於郡伯祠不知何時重建以奉韓公也

四賢祠在忠臣廟前右祀宋監察御史知舒州事游酢觀文殿大學士尚書左僕射知舒州事李綱大理寺丞知安慶府事黃幹工部員外郎知懷寧縣事喻樞

此以上皆載在秩祀者也其已入名宦而復立專祠者則有李公祠在康濟門外祀巡撫李猶龍知府張楷重修後廢乾隆五十五年邑人劉芳名捐建

靳文襄公祠在正觀門外忠臣廟左祀巡撫靳輔

徐公祠在忠臣廟右祀巡撫徐國相

張公祠在清涼庵後祀巡撫張朝珍

王臧二公祠在城隍廟右原名王公祠祀郡守王廷賓
後加入郡守臧榮青

劉公祠祀邑令劉效曾在縣下坡皆現存

又趙公祠祀明知府趙壽祖歐公祠祀明通判歐騰霄
常公祠祀明推官常自裕在里仁坊王公祠祀明兵備
道王公弼在康濟門內李公祠祀操撫李日芑一在康
濟門外西街一在培原書院後鬢髦堂傅公祠祀總督
傅臘塔在白水廟左多公祠祀按察使多宏安在文昌
閣下今皆圯此數公其遺愛在民而尸祝之同也而祠

懷寧縣志

卷之十一

祠祭

三十四

之興廢不同豈亦有幸有不幸乎修張良之墓而封柳
下之壟不能無待於後之人矣

其不在祀典而有功德於民者則有火神廟在樅陽門
內明宸濠犯皖適東城傾城守以蘆蓆障之上畫雉堞
狀賊望其上有巨人衣紅者畏不敢近因得併力修築
咸以爲火神之力也建完城感應祠祀焉後圯順治八
年知府王廷賓知縣賈壯重修乾隆六年巡撫陳大受
布政司包括按察使劉栢又新之陳劉二人皆有記

陳大受記 火之名人望而畏之神則以衛民爲功
非陰用其實而顯示其名其所以爲火者卽其所以
衛民者神之道固無往而不在也蓋余嘗觀之醫者

矣疲頑癥結之病日侵月削能者爲之必先以峻劑
迨其霍然去也然後調以參耆補以梁肉清明其內
膏澤其外於是一愈而不至復發漁之有餌也獵之
有陷阱也初若可甘繼且刀俎之是其意在斬刈
耳醫者反其道故能生人君子反其道故能治人今
天下承平百年矣民生或狃於晏安而訟獄滋多官
吏或習於因循而綱維不振大府始至知其然也彌
縫之縱弛之餽其情而鈎致之伺其瑕而制命焉人
鮮有得全者連陰之朝物無所燁赫久之則生氣盡
矣左氏傳國僑火烈之論孔子以爲古之遺愛誠有
味乎其言之也是火神衛民之說也皖舊有神廟乾
道之可通於治者

隆五年方伯包君觀察劉君偕予新之屬文以記神
之靈與夫所以爲廟者二君志之矣予故不述述其
劉栢記 凡有功德於斯民能禦大災捍大患宜食
報後世者例皆得祀火神其一考安慶郡乘明宸濠
犯皖東城陷賊將乘之望其缺有巨人衣幟皆赤畏
不敢近城得完或以爲赤者火也於是乎廟祀之乾
隆五年冬居民偶不戒於火輒撲滅無延害者郡人
士僉曰是神之力也廟自順治康熙時兩經修葺今
又將圯矣請於余謀所以新之余曰然二三子之居
此有年矣余奉命弼教茲土凡一再至見夫城郭廬

舍如故也人民物產如故也自通都迄四郊熙熙穰穰物靡不得其所豈上之人日撫摩而噢咻之如老嫗之於兒女子乎旌淑別慝誅其奸兇懲其頑梗以安良善無鷹鷂毛舉之患而有室家性命之樂老者以壽終幼孤得遂長此聖天子好生之德之洽於民心者也身受者習而忘焉而於耳目不接者能感之夫神以火爲司而其效在於不火此可以悟矣二子曰唯唯於是偕方伯包公請於大中丞陳公旣允斯請遂各捐俸爲之倡太守綸達督其事郡人士亦以意捐已貲鳩工庀材不逾月門堂殿廡煥然一新落成之日率所屬蠲潔以祠之報功德也初匠作甫

集適宿邑汪童與鄉人爭窖金邑令援例斷入官充公用是役也兼得其助或又以爲是神之力云

火神祠在正觀門外余忠宣公祠後青草塢亦有火神廟

水府廟在大新橋側不知何時建水府亦不知何神五代史楊行密據有淮南乾貞二年正月封馬當爲上水府寧江王采石爲中水府定江王金山爲下水府鎮江王後遂沿祀不改也

忠潔王廟祀三閭大夫在鎮海門外乾隆十年郡守趙錫禮重建今痘神庵內有萬曆十二年鐘上有楚王廟欵識故老云痘神庵卽舊之楚王廟亦祀三閭也受泉

鄉梅林有煉成廟其神亦三閭堯年鄉楚王廟明天啟
間建劉若宰題額曰護國佑民

劉公廟在正觀門外祀洞庭君柳毅劉柳聲混因誤爲
劉

大王廟在正觀門外乾隆 年巡撫託庸建祀宋謝

緒緒宋秀才讀書金龍山宋亡自沈明祖之興助順封

金龍四大王以其行四也淶水鄉大王廟在攔江磯安

樂圩口欽化鄉大王廟在高河鋪堯年鄉大王廟在石
牌

蕭公廟在正觀門外神江西人姓蕭氏名伯軒沒於宋

咸淳間爲神附童子先事言禍福鄉民爲立廟於臨江

懷寧縣志

卷之十一

祠祭

三十七

府新淦縣之太洋洲元時以其子蕭祥叔死亦爲神合
祀於廟明洪武初嘗遣官諭祭永樂十七年其孫天任
卒亦屢著靈異併祀於此詔封爲水府靈通廣濟顯應
英佑侯見江西通志

許公廟在鎮海門外乾隆初年船戶公建五十三年布
政司陳步瀛重修按許公不知爲誰或謂卽唐許遠而
池州東流縣西有許公祠池州府志引前明實錄云洪
武辛丑八月池州東流縣鄉兵頭目許山降山自聚兵
三萬餘以捍鄉里聞大軍西討遂來降以有保障功故
邑人祀焉或此許公卽山亦未可定也

東嶽廟在樅陽門外順治七年操撫李日芄重建前爲

仁聖殿後爲碧霞宮紅雲閣丹堊彩漆宮闕巍煥庶幾
日觀天門之勝康熙九年巡撫張朝珍知府姚琅重修
藥王廟明時建於西城外馬山坡隩廟宇卑狹 國朝
順治戊戌巡撫蔣國柱移建康濟門內城隍廟之北康
熙庚戌巡撫張朝珍以廟後尙有餘基捐俸建殿雍正
乙卯巡撫趙國麟臬使劉柏邑令陶士僕李元祥重修
痘神庵卽天花禪院不知建自何年乾隆壬辰巡撫裴
宗錫捐廉買隙地重修四十九年僧悟本又式廓焉
馬王廟在郡伯祠之左遊擊孔安國建

白馬相公廟在大安山趾後漢書漢建武中李憲餘黨
淳于臨等聚衆數千人屯潛山殺安風令揚州牧歐陽

懷寧縣志

卷之十一

祠祭

三十八

歛遣兵不能克帝議欲討之廬江人陳衆爲從事白歛
請得諭降臨於是乘單車駕白馬往說而降之潛山共
生爲立祠號白馬陳從事云今桐舒間所在有廟皆曰
白馬相公廟

毛相公廟在豐禾冲七岫嶺祀晉毛寶東晉成帝時寶
爲參軍遷皖太守與溫嶠陶侃同拒蘇峻於石頭有功
皖人德之故立廟祀焉土人云廟後是寶墓按晉書寶
後爲豫州刺史與西陽太守樊峻以萬人守邾城石季
龍遣子鑒與其將夔安李菟等攻陷邾城寶峻等率左
右突圍出赴江死者六千人寶亦溺死邾城乃今湖北
之黃岡縣寶溺死於此其葬恐不得在皖也

陶公廟在黃城圩祀晉陶侃侃曾爲樅陽令
李太尉廟在詹家阪得勝殿在踏水橋徐參軍廟在旨
泉冲口相傳元季有李世珍徐鑑鮑東者三人皆有勇
力結義爲異姓弟兄在蘄黃間扞禦屢著戰功時陳友
諒攻安慶久順帝聞三人名召見封李爲太尉徐爲參
軍鮑爲得勝將軍命援安慶至則城已陷矣三人乃募
鄉民結山柵相爲犄角圖興復今花山峽石嶺皆有遺
蹟後明太祖破友諒取安慶招降三人三人不屈明師
襲破之皆以死殉後人思之爲立祠也
天后宮在三牌樓之東閩人請於巡撫陳用敷以祀天
后者

懷寧縣志

卷之十一

祠祭

三十九

眞君殿在佑聖觀之右江西人所建以祀許眞君者凡
此皆有功德於民舉莫敢廢者也

餘則羽士之所栖眞緇流之所掛錫自蕭梁以來寺觀
崇興一邑之內恒不下數百今懷寧可紀者

佑聖觀在便民倉西舊時惟眞武殿一區古柏三十株
他無所有永樂間有道士萬一無者自西江來寓此有
學而能詩郡守楊希孟同知韓毅千戶宋汝玉皆與唱
和每見必稱曰萬先生一無因以鼎新觀宇請皆諾之
會中元令節一無大設道場軍民之肩米赴會者三日
之內得數萬石於是庀材命工始作通明殿肖昊天上
帝像於中列三十二天神於左右起蓬萊軒於殿後落

成之日一無躬詣南京謁駙馬都尉沐公求殿額都尉既爲之書且助施大幡盤龍香案惟眞武殿未修一無旋卒其徒余道默纘承其志塑元帝像於中列雷部神於左右邑人危山爲之記此其畧也康熙二年道士胡朝國募修至康熙六年巡撫張朝珍臬使佟國楨知府趙世楨重建觀又有道士曰陳禎祥曾於殿樓下得遺金悉還其人不受謝亦二氏中表表者也

萬壽宮在景定坊宋原建於潛山山谷寺左徐閔中有記嘉定時懷寧移今治故於此亦建焉明成化丁酉重修鼎革時兵燬康熙丙午巡撫張朝珍重建五十九年巡撫李猶龍重修乾隆二十五年邑令王鳴又重修

純陽道院在姚街口康熙己亥巡撫李成龍建

太平興國禪寺在正觀門外萬松山麓中有閣曰萬壽閣有堂曰古鑿堂康熙四年六目禪師闡法於此

文德翼有古鑿堂記 余客皖寓居太平寺之東偏一日訪六目禪師於方丈茶次師曰此卽古鑿堂也公其記之太平不知所繇昉東晉咸和年間童師建立後至趙宋乃大著遠錄公而下靈源清鐵面昷五祖演太平燈佛鑑勤遞居之古鑿堂勤禪師之所立歟抑後人之名勤者歟始六師傳洞山正宗爲三祖破闇和尚之嫡嗣退院古唐飛錫司空天柱偶憩郡之鐵佛庵法華南泉兩請不應而太平迎之至時兵

燹後荆棘叢中朽木數椽無何因緣時至撫軍臬牧
共爲清理而太平遂同兜率天宮矣頃歲儉郡貧鐘
板不繼結制寂寥師以有爲之應迹等之虛空其現
也如蜃成樓閣其隱也如虹藏津梁飽則鍊稜飯共
飽饑則竹箴箠共饑獨於是堂恒致意焉若曰古旣
日去鑒復日空惟此一片地庶幾光明常在耳蓋鑒
何古今之有勤禪師鑒於前呼之爲古六禪師鑒於
後呼之爲今古今由人之所呼而鑒無生分別一也
鏡非臺明亦非鏡山河大地是沙門一隻眼所謂雖
不燭炤一毫瞞他不得者也豈繫乎此堂之古今哉
六師曰然大鑒現前盲者亦接不得

乾隆二十五年邑令王鳴重修萬壽閣郡守温必聯重
修山門內爲放生池僧有光所濬甃以石梁寺之兩翼
東曰松峯東峙其內爲白衣庵西曰竺徑西通其內爲
西竺庵

元余闕有登太平寺次韻董憲副詩 蕭寺行春望
下方城中雲物變淒涼野人籬落通潛口賈客帆檣
出漢陽多難漸平堪對酒一樽未盡更焚香憑將使
者陽春曲消盡征人鬢上霜

白衣庵知府王廷賓爲行僧心難建後趙世禎復置亭
於庵側題曰不二亭

西竺庵乾隆己卯僧有光募建郡守温必聯邑令王鳴

捐俸爲倡初止樓殿兩重奉文昌及關聖乙未夏方伯王顯緒倡建奎星閣於關聖殿西構廣廈三楹爲賓坐癸卯僧谷泉於關聖殿後添建斗姥閣嘉慶己巳僧隱庵添建祖師殿己卯僧道增於祖師殿後募建正廳臬使敦良任其事文礪雕楹高明爽塏佐以藥欄花圃遊觀者稱快焉有光谷泉皆通曉文藝故當事恒器之雙蓮禪寺在城內東北阜民坊宋殿中帥范文虎捨宅爲之因其地有沼曾產雙蓮故以名寺建後數紀文虎二女曰金曰銀續父志起塏於殿左上下九級高七八仞所費不貲時則元之至元間也明景泰時復產雙青蓮其塏自正德丁丑有以私意致府廢塏取甃石爲別

懷寧縣志

卷之十一

祠祭

四十二

用遂圮說者謂寺在郡邑東北隅塏亦庠校左輔文筆也其存毀不獨係此寺之興替亦皖城盛衰所關嘉靖中齋人余萬忠募修殿宇

以上俱見汪若水重修雙蓮寺記

康熙壬子

邑令段鼎臣建大悲殿己亥按察使朱作鼎重修正殿而塏終不復寺中古蹟有飛來鐘浮江而下迎賓於此有復生桂樹今並存寺額與太平興國禪寺額皆邑紳顏素書筆法端偉與平原匹敵焉

天寧寺宋建今縣學是其舊址正德辛未移建忠節坊舊爲寮窠慶賀令節朝天祝聖之所 國朝操撫李日芑巡撫張朝珍邑令王鳴皆重修

迎江寺萬佛塏在樅陽門外明萬厯己未郡紳阮自華

募建光宗御書護國永昌禪寺特建宸翰樓貯之順治七年操撫李日芃重建康熙二年巡撫張朝珍重修塏在寺內皖郡諸山雄峙西北東南濱江平行形家言須鎮以浮屠青龍昂首爲人文蔚起之兆隆慶庚午郡守王宗徐謀於邑紳於惟一吳宗周乃建茲塏全體石甃凡七級高二十四丈周基衛以欄楯簷阿環以金鐸嵌空玲瓏屹立雲表爲宜城之關鎖江上之奇觀焉

桐城張英有同陳大匡諸子登迎江寺塏詩 荒寺城隅古渡頭浮圖百尺照滄洲遙從皖口東南出半落長江日夜流雲外平分天柱影望中收盡海門秋登臨此日俱詞客今古烟波起暮愁

懷寧縣志

卷之十一

祠祭

四十三

大士閣在迎江寺旁邑令馬剛建閣前爲四宜亭後爲廣嗣殿先是馬令有天都之役道晤普陀朗明禪師願得宰瀕江邑爲建大士刹及甫至皖舟次江干詢其地曰觀音港暗符夙願因建閣其上云邑人劉餘謨有記三祖寺在朝天坊原名菩提庵因三祖璨嘗住此改名明嘉靖間重建康熙七年巡撫張朝珍按察使佟國楨知府趙世楨重修

興賢寺在集賢門外舊志未載乾隆年間建寶善庵在輯睦坊宋崇寧間建明海瓚禪師住此建擊竹堂緘關習靜刺血書經焉

楊汝毅上已後二日南城登眺步至東關因過擊竹

堂茶話詩 塢影參雲直人烟遶郭低漁灣晴曝網
籬畔午鳴雞官馬驕春草山泉引菜畦幽栖憐野衲
茶話夕陽西

鐵佛寺在輯睦坊明邑紳劉若宰建

準提庵在治平坊都察院之左

三聖庵在按察司署之左舊有關聖殿康熙九年按察
使佟國楨增修佛堂僧舍有記道光二年按察使惠顯
重修

佟國楨重建三聖庵石碣記 嘗觀古帝王之治天
下也靜則制之以禮而動則制之以刑至刑之所不
及化者往往以神道化之使斯民視於無形而聽於

懷寧縣志

卷之十一

祠祭

四十四

無聲由此觀之古未嘗無佛也惟以佛老之心行吾
儒之政教雖不言佛老可也西漢而後政教殘闕綱
紀廢弛禮失其職刑失其平於是佛老之道遂入中
國中國之人奔走而嚮往者聯踵比戶此雖耳目之
愚民而輪迴禍福之說實足以惕人寤寐而閉其奇
衰蕩軼之心昧者不察競奔走於升堂說法袈裟鐘
鼓之間而謂佛老之有異於吾儒也則大謬矣余司
臬皖江署之東偏向有三聖庵焉兵燹之後日漸傾
圮荒烟蔓草非神所憑爰是割俸鳩工重建前殿三
楹祀三世佛像兩廡爲置僧寮若干楹命僧眼明主
守之朱薨碧瓦畫棟雕題一時畢舉以視曩昔煥乎

改觀工既竣主僧問記於余余進主僧而前曰汝亦知余重建此庵之意乎邇者人心去古甚遠董以揖讓重以桁楊而寐者不覺豈民之盡失其本心乎夫亦提撕覺悟之無從耳今爲之重建是庵於署側令民之秀者感於化而頑者攝於刑並刑之所不及者更警醒於鬼神禍福之說且令人登其堂瞻其像知壽亭侯之忠貞節義如彼佛老之澹泊清虛如此於是慕壽亭之風者有以化其奸回儂薄之心慕佛老之風者有以去其六慾七情之累將見奸宄不生而刑獄息刑獄息而禮義興禮義興而治登上理矣不與弼教明刑之旨相發明乎使非然者而謂司刑者

之崇尚虛無也不與古人治天下之道相刺謬哉是爲記

祖師殿在雙蓮寺左石龕銅像舊傳以爲沈萬三施也
飛鉢庵在朝天坊

一指巖在康濟門內僧青芝建

魯琢一指巖與息上人看梅詩 梅品清無敵僧房
更覺閒恍偕辟支佛趺坐香風山有相亦殊妙凡詩
盡可刪以指喻非指空色辨巖間

地藏庵在正觀門外西北背山面城樓觀崇麗延眺稱
勝有沙泉在佛龕下庵前有塘或云清水塘余忠宣公
盡節處塘中有亭邑令張懋誠建

萬壽寺在小南門內面城

觀音庵在觀音巷庵前有觀音橋明萬曆辛亥建今圯
庵外牆上有石刻月滿珠林四字無書者姓名

三官堂在洪家巷內面城

保寧庵在黃花亭左背城

古松庵在黃花亭右背城

魯琢偕張丈犀亭古松庵尋菊次韻 英英麗草品

無加傲睨風霜紀歲華良會况當逢白社故人大抵
似黃花城坳深護一枝秀水次仍分幾度斜止有古
松相伯仲寒香天與發奇葩

百子庵在樅陽門內背城

懷寧縣志

卷之十一

祠祭

四十六

寶蓮庵在樅陽門內面城

如來庵在黃家山

彌勒庵在集賢門外明博山元來禪師兩度說法於此
準提庵在集賢門外南莊嶺老僧無染募建桐城中書
舍人陳焯有無染禪師塔銘正觀門外里仁坊亦有準
提庵今廢

興賢寺在集賢門外原名接待庵旁有山雨閣康熙十
四年郡守張楷爲石樓和尚題額曰寄跡蓬臺

盤石庵在興賢寺旁因塹樓額曰盤石萬年而名

白雲庵在正觀門外宋建爲白雲端禪師開山闡教之
處

清淨庵在鴨兒塘宋殿中帥范文虎捨宅爲雙蓮寺其二女曰金曰銀披緇潛修於此康熙五十三年邑紳楊汝穀任奕鑿咎茹穎等重修

於家庵在鴨兒塘

興隆庵有二一在大王廟西四顧墩一在小南門外雷姓建前有大王廟圯於水庵僧鑑明募建未成就其遺址爲照壁嵌額誌之

廣照庵在簪兒鋪旁有三僧塔

菩提庵在樅陽門外

水雲庵在樅陽門外久圯順治壬辰重建

汪之順有閒過東關外石橋溝至水雲庵詩 偶來

懷寧縣志

卷之十一

祠祭

四十七

城市中經旬霄塵網乘興出東關沿溯清溪上微風
水漣漪垂楊夾修港茅屋淨且潔離列不踰丈悠悠
檣釣艇楚楚治畦壤小橋渡溝塍曲徑入篠簷聞鐘
訪精舍啜茗恣幽賞墦鈴語層霄江波答秋響山城
何逶迤古壕積衰莽撫景懷舊遊余心動深愴

清涼庵在集賢門外野螺橋巡撫張朝珍建元白禪師
涅槃處

善雲庵乾隆辛卯郡守溫必聯建庵後有泉四時不竭
黃家庵在太平寺旁一名觀音庵康熙二十四年建

附 禮拜寺在正觀門外 清真寺在鎮海門內

以上在城鄉

九郎廟一名華藏庵黃山谷集貴池人祀昭明爲郭西九郎此九郎亦昭明也

汪爺廟在趙家巷祀越國公汪華

南木廟永樂十一年建祀水神南將軍

石山寺梁天監間建

古塘寺朱開寶間建

三城寺宋建隆間建

元余闕有送康上人往三城寺詩 嘗登大龍嶺橫
槩視四方原野何蕭條白骨紛交橫維昔休明日茲
城冠荆揚芳郊列華屋文棖被五章乘車衣螭繡貴
擬金與張此禍誰所爲念之五內傷豎儒謬承障永

懷寧縣志

卷之十一

祠祭

四十八

賴天降康樅陽將解甲皖邑寢開疆畊夫緣南畝紅
女各在桑念子中林士振策亦有行我聞三城美龍
嶺在其旁連林積修阻下有澄湖光明當洗甲兵從
子卧石牀

禪龕寺宋嘉定間建

印心庵在禪龕寺背

宣曇寺宋咸淳間建

海會庵在門山之陽明建

報國庵宋咸平間建

大龍庵在大龍灣元至元間建

龍泉庵宋建巖壑幽秀竹樹參差青蓮一閣更能攬天

柱獨秀諸峯之勝大量禪師闡化處也

邑人韓寵宿龍泉庵詩 夜闌羣動息况是萬峰顛
下界人同夢中天月自圓暗香飄露氣孤影定寒泉
似有微風起秋聲一葉傳

錢澄之過龍泉庵詩 自傷衰病逐年催又向峯頭
策杖來乘興偶然逢院入非時何意遇花開

丹盛開 甌中乳色供新茗石上錢紋綴古苔龍井有泉

尋不見拊闌惆悵別僧回

秀峯庵在大龍山巔

無漏庵在大龍山巔

玉泉庵在官塘冲元至元間建有泉冷然如夏玉故名

懷寧縣志

卷之十一

祠祭

四十九

邑人顏渾有玉泉庵詩 結茅在杳靄深徑入雲迷
盡日前峯寂六時春鳥啼野蔬侵竹路山果落花蹊
坐覺松關掩榛蕪自可栖

止水庵在大龍灣止水性源禪師住處

華嚴庵明建在龍山頂有般若巖白雲端禪師講華嚴
處

朝暘庵在般若巖之上

三石庵明建在大龍山今改名信宿庵

永寧庵在海口洪武十九年建

清淨庵在孟家坂

如是庵在龍山下明崇禎間邑土方都韓建

古唐庵在龍山破閣禪師說法於此

金永有古唐庵贈徹上人詩 環山響日夕石澗走
流泉中有古開土不知何歲年經聲出絕壁剝影現
諸天隔水聞清磬因之悟妙圓

靜林庵在柘澗山僧普玉習靜處王氏捐地建有記

圓通庵明建在集賢關外楊和尚成道處

迴翔庵在集賢門外十里鋪灰心禪師習靜於此

邑人於穀有迴翔庵夜坐詩 栖托青蓮宇沈冥獨
任眞素懷常內足幽况近無鄰樹冷霜翻雀山空月
戀人翛然天宇外餘得一閒身

陳家庵在迴翔庵左今改萬松庵

懷寧縣志

卷之十一

祠祭

五十

劉紀廟在迴翔庵北祀大士極顯應土人謂是洪劉二
氏所建紀者洪之名也舊志作留基未知孰是

雲興庵在三善圩

松濤庵在十里鋪舊祀劉猛將軍於此

卓錫庵今爲關帝廟

鰲墩庵在安樂圩

雲峯庵在銅鑼山

水月庵在柘澗山康熙間建

三官堂在馬家橋乾隆間建

集慶庵在李家柴舊名洪福崇禎九年邑令黃配元改
今名後圯乾隆初僧省機募建佛殿五十七年僧永松

及徒源靜又募建觀音殿旁構寶舍甚幽靜是庵緇徒
數傳皆耽詩畫無俗僧氣息爲鄉刹所罕覩焉
集賢庵在集賢關旁邑人鄧石如題額曰集賢律院八
分書

興隆庵在太平圩

以上淥水鄉

文孝廟祀梁昭明在白麟坂

司馬廟乾隆間建

眞乙觀在龍山西麓知府李士禎建有龍湫見前龍山

靈湫祠下

神霄觀在白麟坂

懷寧縣志

卷之十一

祠祭

五十一

迴瀾祠在譚家橋

三元觀在土橋坂

無量塢唐建在大龍山明僧如宣重修梁柱皆易以石

八方殿在大龍山

祖師殿在張家港河岸

碧虛宮在青口柴

法雨寺梁建在井田坂

延壽寺宋建在山口鎮順治乙酉兵燬里人汪宗泗陶

之琦重修

四武寺宋建

文殊寺宋建在大橋頭

雙城寺宋建

源浦寺宋建

禪庵梁建在百子山雲峰巔爲寶誌過化之地

蓮花庵梁建在碎石嶺

應化庵後唐建

龍眠庵宋建

翠竹庵宋建

繡頭庵一名鄧家庵明建在龍山巔繡頭和尚住此

桃源庵在大龍山

松隱庵在大龍山北

白麟庵元建

懷寧縣志

卷之十一

祠祭

五十二

華鎮庵明建在火爐尖之東

興國庵在火爐尖之麓

黃梅庵在石鏡山郡紳阮自華建有石瀨閣

甘露庵在小安山

觀音庵在觀音洞口有天生觀音石像

隆福庵在甌山亦有觀音石像

德源庵明建在寨基山

寶嚴庵乾隆年間桐邑紳章攀桂建

秀峰庵在磨山麓邑紳任塾建

紅蓮庵在王家壩俗名影堂廟

青蓮庵在觀音鋪

雨花庵在赤岡嶺

騎龍庵在相思嶺

伏虎庵在牧馬嶺

延壽庵在膠山坳

以上大豐鄉

瑞雲觀萬厯間建有何如寵阮自華吳應賓同撰碑

三官堂奉李老君廟僧每以正月人日求乩占年之豐歉焉

府主廟在凌家閘

蘆峯廟在鄭家河明萬厯間建

梅城寺宋慶厯間建

懷寧縣志

卷之十一

祠祭

五十三

寶福寺宋景德間建

三鴉寺宋景德間建

洪山寺宋景定間建

車軸寺宋紹興間建

三聖寺宋建內有文昌閣黃鑑冰陳友儒張全斌等建鹿苑庵明天啟間處士丁世芳建今廢

萬德庵在周家墩東源禪師習靜處

沛澤庵在小牌樓

栖賢庵乾隆間建庵界兩邑前重屬懷後重屬潛

雨花庵在江家橋北明創邑紳汪道亨讀書處今俗名

草陽廟

汪之順同螺峯兄宿雨花庵詩 一徑飛花雨孤燈
照法幢厨香松爇火衣冷竹當窻米汁佛同好書魔
老不降團圞今夜話頭白影雙雙

又讀書雨花庵詩 耽幽栖古舍苔蘚照琉璃清盃
拈香坐黃鸝鳴樹時茶煙新石火佛幌舊蛛絲落日
經行處山家盡晚炊

白衣庵在黃馬河

大士庵在梅城寺旁

西峰庵在青草壩

三緣庵祀唐越國公汪華俗名汪爺廟

宛在庵在鄭家河

懷寧縣志

卷之十一

祠祭

五十四

魯琢宛在庵詩 昔吟秋水篇緬想蒹葭路今與蘆
峯別遙訪沙溪渡渡口望茆庵隱隱林間露溪聲送
經聲合沓如相赴溯洄偶從之松下一僧遇對我寂
無言知我來何處思問楞伽字掉臂不我顧但見橋
上山落霞點孤鷺自愧塵土身宛在水中住雖非知
者樂頗得伊人趣日落方言歸寒鴉噪古樹

普濟庵在高河鋪

接雲庵在老渡墩庵界兩邑前殿屬懷後殿屬桐

地藏庵俗名蝗蟲廟

延齡庵在陶亭岡

通濟庵在三橋鋪

西來庵在畫眉澗

以上欽化鄉

五顯廟在獨秀山之麓

太子廟在江鎮祀梁昭明

汪公廟祀越國公汪華

靈源觀在庫嶺下元至正二年建有泉曰靈泉故名

清虛觀在分龍嶺東順治間道士李養真募建

木榴寺唐中和間建

西畚寺原名開元寺宋建在洪家鋪

煖水寺原名普澤寺宋建有溫泉

法雨寺明建在井田坂

懷寧縣志

卷之十一

祠祭

五十五

谷泉庵在獨秀山西麓

圓照庵宋建在王家衝

釋心印憶圓照精舍詩 往時栖跡處記得闢山田

留筍應成竹離庵又隔年兩溪喧夜雨一縷上茶煙

獅子奇峯外峯峯高插天

石龍庵明建在斛嶺頭

雪山洞在長安嶺

谷神庵明建在谷神嶺有上下二庵

龍泉庵在龍現嶺有龍泉

禪師廟在楊徐山

天池庵在黃梅山

儲祥庵在黃梅山

通照庵在梁家山

無念庵明建一名花山庵在花山腹

羊角庵在花山腹

心庵在子貢嶺

普濟庵宋建在峽石嶺明郡紳阮自華捐金置茶亭施

茶今俗名茶亭庵

萬緣庵在峽石嶺雙河口

龍池庵明建山頂有龍池故名其庵銅佛鐵瓦十八羅

漢皆畫像莊嚴有雲峯薜蘿靈芝石一松亭躍龍池諸

勝石潮禪師習靜於此

懷寧縣志

卷之十一

祠祭

五十六

邑人吳應鉉遊龍池向暮憩石上詩 絕巘舊開林

眞宜龍隱深雲歸多在樹月出不離岑珠寶山容冶

丹青梵像森勞生寄蕭爽踞石一長吟

庫嶺庵一名茶庵明建

暘明庵在冶塘西

如意庵在椰溪內

古梅庵在豐禾冲

品坡庵在江鎮後山巔

衣雲庵在江鎮今名大悲庵

梵網庵在天井潭湖西

圓迦庵在團坡山

信祥庵在黃栗山麓

正法庵在鷹架尖之麓

南泉庵明建

雲隱庵宋紹興間建

正覺庵宋淳祐間建

永鎮庵在小吏港

普念庵在三橋鎮河北

梅花庵在清河凌澌橋

以上受泉鄉

府主廟在鶚子港

太子廟祀梁昭明有廣修和尚肉身不知何人或以為

懷寧縣志

卷之十一

祠祭

五十七

周將軍遇吉子也

總管廟在沙潭

張仙閣在城隍廟後劉若宰題額

靖壇廟明建在石牌株林墘有烏柏古樹每以開花榮

落卜年豐歉甚驗

植福寺在楊林坂宋嘉定間建

紹聖寺元至元間建

平山寺宋紹興間建

長櫟寺元至元間建有甘泉遠近爭汲

智種庵在石牌大勢山覺浪禪師題名有不昧和尚肉

身故老相傳疑是勝朝金枝玉葉也

墨雨庵元建在釋迦阪初名普濟至正間洪水浮香木
逆流至灤河土人刻作龍像奉之改名墨雨旱則禱之
報劬庵在釋迦阪大雄山之西崇禎癸酉邑士劉餘清
建有博山元來禪師說法止靜於此

彰法庵明建

雨花庵明建

古洞庵在石牛山

紫雲庵在張仙閣後錢選題額

廣德庵潘姓建祀屈大夫

曇花庵在石牌河北總兵黃鼎建

廣濟庵在產家亭產姓建

懷寧縣志

卷之十一

祠祭

五十八

寶寧庵在土壇山唐建

陳家庵相傳神陳姓諱永貞明太祖旣破陳友諒於鄱
陽湖其子理奔廣東命永貞追之衆寡不敵死太祖追
封立廟焉

以上堯年鄉

白龍寺有二一在馬鞍山有阮自華題額曰鹿盧轉處
一在時公渡

靈泉寺宋崇寧間建

胡纘宗有詩云 磊磊山上石泠泠山下泉千峯盤
路細孤墟倚城偏

淨明寺宋建

乾元寺元至元間建

紹聖寺元至元間建

顯能寺明建

崇福庵明建爲木孔禪師習靜處

永水庵明建爲無心長老化身處

悟源庵乾隆五十三年建悟源者居士查占鰲法號也

悟源本有妻子後耽禪悅面壁十九年持齋習靜門前

汲水之潭魚蝦不入焉其示寂也三年色身不壞鄉人

爲卽其故宅建廟以祀之

太子廟有上下二廟

準提閣在沙圩坂

懷寧縣志

卷之十一

祠祭

五十九

騰雲廟在騰雲山

以上潛岳鄉